

## Universitätsbibliothek Paderborn

### **Opvs De Ivdiciis Divinis, Qvae Devs In Hoc Mvndo Exercet**

Accessit index concionatorius in omnes totius anni dies Dominicos & Festos, ab ipso Auctore confectus

**Stengel, Georg**

**Ingolstadii, 1651**

8. Iustissima Numinis prouidentia, ob occultas caussas, hominibus similes Ephræemo casus immittit.

**urn:nbn:de:hbz:466:1-45699**

ad calum extendentem, extinxit. Iurabat enim, se vidisse globos igneos, ab ipso in calum ascendentes, & circa eum in orbem tamquam clibanum ardentes, adeo ut non appropinquaret, donec perfecisset orationem. Cum is autem consuersus eum vidisset, ei dixit: Quid est, Diacone Ioannu? prater dimensum bibisti? sed vade, ora. Hac autem tibi accidit tentatio, quoniam venerant ad te duo pauperes: Cumq; tibi suppeteret, quod eis das, eos es auersatus. Non enim tua sunt, que das, o frater. An non credis ei, qui dixit, illum qui elargitur, esse centuplum acceptum in hac vita, & in futura possessorum esse vitam eternam? Atq; se credis quidem, da. Si autem non das, manifestum est, te Domino non credere. Ecce verba Salis, id est, fatui, vel Sapientis potius Sancti. Accidunt multa mortalibus mala, capiuntur, in vincula compinguntur. Non putent se innocentes. Si in re alia nulla deliquerunt, satis est, fuistis immisericordes. Qui obturat aurem suam ad clamorem pauperis, & ipse clamabit, & non exaudietur. Nec sanè Ioannes diaconus, sed Salus pro eo orans auditus est. Tantum porrò crimen in homine alioqui Sancto, Ioanne diacono, iudicatum est, non dedisse egeno cùm posset, vt furcā illi fuisse expiandum. Quàm multi nondant, cùm possent? parui id faciunt? Audiant S. Ambrosium: Hoc est occidere hominem, vita sua ei subsidia denegare. Psalm. 118. Caeue, ne inter loculos tuos includas salutem inopum: tamquam intulisi sepelias vitam pauperum.

Vidistis iusta iudicia Dei, quibus Ephram sibi, virum tam sanctum præparauit, & Ioannem exercuit? Vestri imaginem vidistis: quippe & vos Deus vult ad gloriam comparare. Audiant & ruminent has historias animalia munda; immo & immunda, vt munda fiant. Audiant & expendant diuinam in ira clementiam, quicumque, dum vestem, pecuniam, equum, aut aliud perdidunt, dum grando fruges percussit; dum alter innoentes calumnia affecit, infamia foedavit, etiam apud iudices, falsa accusatione damnum intulit, vincula procurauit; qui vicos habent conuicijs assiduis lacescentes, asperum dominum, crudellem maritum, rixosam coniugem; qui etiam ab hoste capti rigide barbareque tractantur; qui aduersa hæc impatienter ferunt, angore eanescunt, sibi capillos euellunt, vnguis genas lacerant, eulant, solatium nullum admittunt; queruntur ubique, irascun-

Prou. 21. M.

S. Ambrosius  
Psalm. 118.

VII.

irascuntur, excandescunt, blasphemis Deum aggrediuntur & maledicuntur; in omnes eius creaturas execrationem spargunt; immo desperant, ac Deum sui oblitum arbitrantur. Audiant, inquam, has historias, & discant, in rebus aduersis, non iacturam fortunarum, honorum, nominis, valetudinis, libertatis, non cœlumiantes, non ipsam calumniam, aut iniuriam, sed altiora Dei consilia considerare. Non culter, sed animus chirurgi est asperciendus. Sæpe in brachio aperitur vena, vt febrilis ardor abeat capite. Pisces sunt in mari, teste D. Ambroso alijque, qui Aquilonibus vndas sursum ac deorsum vertentibus, procellosissimis in tempestatibus, ne in exitium abripiantur, rupi adnatant eique coniunctissimè adhaerent, donec deserviant vnde, & ad pristinam redeant tranquillitatem. Inter mortales quoque sæpe vñsanunt venti, & horridæ tempestates excitantur. Alij linguis, alijs dexteris; alijs verbo, alijs ferro vulnerantur; quid tunc faciendum? ad diuinam prouidentiam iustitiamq; recurrendum est; neque ab ea latum vnguem recedendum, donec tempestas serenetur. Ita fecit David, qui maximis malis agitatus dixit: *Mibi adhaere Deo bonum est, ponere in Domino. Deo spem meam.* Assonat D. Augustinus inquiens, *Cum inbasero tibi ex omni me, nusquam erit mihi dolor, & labor, & viua erit vita mea plenaria.* Non dolebo, tamquam de iniuria, sed tamquam de medicina gaudebo; memor illius: *Mala, quæ nos premunt, ad Deum ire compellunt, sicut Ephraem compulerunt.* Prudentia Dei omnia gubernantur, ait D. Hieronymus, *quæ putatur pena, medicina est.* Amara sæpe medicina est, nec tam men repudiatur, tantus est amor sanitatis: Non aspicit ægrotus manum servi porrigitis potionem, sed artem Medici illam prescribentis. Quare & nos, cum sanamur, dicamus; *Calicem, quæ dedit mihi Pater, non vis, ut bibam illum?* Esto porrigit illum Iudæi, Pater tamen dedit, à Patre nihil est Filio formidandum. Itaque nulla salubrior in aduersis cogitatio est, quam Dei filii suis omnia salubriter prouidentis. Non aspiciendi inimici, sed Deus amicus permittens inimicos, vt in nos insurgant; qui eis solùm dat potestatem nocendi, non voluntatem; voluntate autem mala eorum vtitur, sicut medicus viperæ veneno. *Sola est digna vts,* ait Boëtius, *cui mala quoque bona sunt, cum eis competenter utendo,*

Psal. 72. 28.

S. Augustin.  
lib. 10 Confess. c. 10.S. Hieronym.  
super Ezech.

Ioan. 18. 11.

Boët. 1. 4. de  
Consol. Phil.  
prof. 6.

riendo, alicuius boni elicit effectum. Cùm ergo malus nocet, sua voluntate nocet, non sua potestate: voluntas mala est ab illo, potestas, non est ab illo, sed à Deo, qui illi, bono fine, dat potestatem exercendi malam voluntatem. Sæuiant modo inimici, ait S. Augustinus, humiliant, faciant non quidquid volunt, sed sicut desiderant permittuntur, non quod Deus det illis voluntatem nocendi, sed potestatem. Vnusquisque enim malus apud se habet voluntatem nocendi; ut autem possit nocere, non habet in potestate. Ut velit, iam reus est: ut possit, occulta dispensatione prouidentie Dei, in aliud permittitur ad poenam, in aliud permittitur ad probationem; in aliud permittitur ad coronam. Ad poenam, quo modo permisisti sunt alienigena capere popule Israhel, quia peccaverunt in Deum. Ad probationem permisus est diabolus in Iob: probatus est autens Iob, confusus est diabolus. Ad coronam vero permisisti sunt persecutores in Martyres. Sæpe etiam ad poenam, non illius culpa, quæ ab aduersario impingitur; sed illius, quæ à patiente ignoratur.

Hæc talia si considerassent, ob aduersa & persecutiones vel laqueo, vel gladio, vel simili desperatione perditæ, malis benevisi ad frugem redijssent. Rediit Ephræm, agnouit enim Deum in castigatione amantem, non ex odio castigantem. Crudelis est meditatio, ait Hipponis Antistes, qui exaudit hominem, & parcit vulneri, & putredini. Matres, quo modo fricant in balneis ad salutem filios? nonne parvuli clamant inter manus eorum? Illa ergo crudeles sunt, ut non parcant, non exaudiant lacrymas? Nonne sunt plena pietate? & tamen clamant pueri, & non eis parcitur. Sic & Deus noster plenus est charitate; sed ideo videtur non exaudire, ut sanet, & parcat, in sempernum. Quam utilis hæc usura, expendere denarium, ne expendamus talentum. Amat Deus, quos sic castigat. Qui autem castigantem odit, neque Deum amat, neque seipsum: immò malum geminat, cùm impatientia nouum mereatur. Pulchra in hanc rem fabula narratur. Solebant quodam in oppido à certis cœtibus excludi omnes quacumque corporis parte vitiati, erantque constituti, qui de illorum (si qui forte obrepisse comperirentur) singulis vitijs, multæ nomine, singulos numeros exigerent. Hi aliquando in claudum inciderunt, exegerunt igitur ab eo multam, quam, leuem licet, noluit dare; cùm ergo renitentem inuaderent atq; iectis

S. Augustin.  
in Psal. 29.

## IX.

S. Augustin.  
in Psal. 33.